



An Bhruiséil, 22 Márta 2024
(OR. en)

Comhad Idirinstitiúideach:
2020/0011(NLE)

8139/24
ADD 1

SOC 230
EMPL 132
ANTIDISCRIM 47
GENDER 49
SAN 193
FREMP 163
ILO 10

NÓTA MAIDIR LE MÍR "A"

ó:	Coiste na mBuanionadaithe
chuig:	An Chomhairle
Ábhar:	Togra le haghaidh Cinneadh ón gComhairle lena n-iarrtar ar na Ballstáit Coinbhinsiún na hEagraíochta Idirnáisiúnta Saothair maidir le Foréigean agus Ciapadh, 2019 (Uimh. 190) a dhaingniú chun leas an Aontais Eorpaigh - Ráitis ón Ostair, ó Phoblacht na Seice, agus ón Ungáir

Gheobhaidh na toscaireachtaí, san Iarscríbhinn a ghabhann leis seo, ráitis ón Ostair, ó Phoblacht na Seice agus ón Ungáir maidir leis an togra thuasluaite.

RÁITEAS ÓN OSTAIR

MAIDIR LEIS AN TOGRA LE HAGHAIDH

**CINNEADH ÓN gCOMHAIRLE LENA nIARRTAR ar na Ballstáit Coinbhinsiún
na hEagraíochta Idirnáisiúnta Saothair maidir le Foréigean agus Ciapadh, 2019 (Uimh. 190)
a dhaingniú**

1. I bprionsabal, cuireann an Ostair i dtreis a tuairim dhlíthiúil nach gcruthaítear oibleagáid leis an gcinneadh ón gComhairle lena n-iarrtar ar na Ballstáit an coinbhinsiún idirnáisiúnta ábhartha a dhaingniú.
2. Is comhpháirtithe uathrialacha de chuid na hEagraíochta Idirnáisiúnta Saothair (EIS) iad Ballstáit an Aontais. Tá oibleagáid daingniúcháin contrártha le prionsabal na trípháirteachta atá cumhdaithe i mBunreacht EIS agus i gCoinbhinsiún 1976 (Uimh. 144) EIS a dhaingnigh Ballstáit uile an Aontais.
3. Tugann an Ostair dá haire an dearbhú ón gCoimisiún Eorpach go staonfaidh sé ó chéimeanna dlíthiúla i gcoinne na mBallstát a roghnaíonn gan an coinbhinsiún a dhaingniú.

RÁITEAS Ó PHOBLACHT NA SEICE MAIDIR LEIS AN

TOGRA LE hAGHAIDH CINNEADH ÓN gCOMHAIRLE LENA nIARRTAR AR NA BALLSTÁIT COINBHINSIÚN NA hEAGRAÍOCHTA IDIRNÁISIÚNTA SAOTHAIR MAIDIR LE FORÉIGEAN AGUS CIAPADH, 2019 (UIMH. 190) A DHAINGNIÚ

Is mian le Poblacht na Seice an seasamh atá aici a mheabhrú, seasamh a chuir sí in iúl go mion minic le linn na caibidlíochta maidir leis an gcinneadh seo ón gComhairle chomh maith le cinntí ón gComhairle a bhí ann roimhe seo lena gceadaítear nó lena n-údaráítear do Bhallstáit an Aontais Coinbhinsiúin agus Prótacail na hEagraíochta Idirnáisiúnta Saothair (EIS) a dhaingniú, nó lena n-iarrtar orthu iad sin a dhaingniú. Tá na cinntí sin ón gComhairle léirmhíithe go seasta ag Poblacht na Seice mar bhearta nach bhforchuireann aon oibleagáid na coinbhinsiúin idirnáisiúnta atá i gceist a dhaingniú. Dá réir sin, éascaíonn siad féidearthacht an daingniúcháin, agus ag an am céanna cloítear leis an bprionsabal go n-urramaítear go hiomlán Ballstáit an Aontais mar chomhpháirtithe neamhspleácha de chuid EIS. Sa chomhthéacs sin, tá a lánrogha i gcónaí ag gach Ballstát maidir leis an bpróiseas daingniúcháin a thionscnamh, faoi threoir a nós imeachta cinnteoireachta náisiúnta amháin, gan bheith faoi réir bearta a bhaineann le sáruithe ar na Conarthaí.

Áitíonn Poblacht na Seice nach mór dearbhú sainráite a bheith ann lena gceadófaí do na Ballstáit Coinbhinsiúin 190 EIS a dhaingniú go deonach laistigh dá ndlínse náisiúnta. In éagmais an réamhchoinníll sin agus ós rud é nach ndearnadh léirmhíniú soiléir dlíthiúil ag an gcruinniú a bhí ag Coreper an 19 Iúil 2023, níl Poblacht na Seice in ann tacú leis an gcinneadh ón gComhairle maidir le Coinbhinsiúin 190 EIS agus, dá bhrí sin, staonfaidh sí ón vótáil.

Tugann Poblacht na Seice dá haire agus is mór aici na dearbhuithe ón gCoimisiún, a cuireadh in iúl níos mó ná uair amháin, go gcoimeádfaidh sé ar bun an cleachtas atá ann cheana a bhaineann leis an gcinneadh seo agus leis na Cinntí uile ón gComhairle a rinneadh roimhe seo, is é sin nach ndéanfaidh sé aon bhearta chun iallach a chur ar Bhallstáit an Aontais Coinbhinsiúin agus Prótacail EIS a dhaingniú.

RÁITEAS ÓN UNGÁIR

MAIDIR LEIS AN TOGRA LE hAGHAIDH

CINNEADH ÓN gCOMHAIRLE LENA nIARRTAR AR NA BALLSTÁIT COINBHINSIÚN NA hEAGRAÍOCHTA IDIRNÁISIÚNTA SAOTHAIR MAIDIR LE FORÉIGEAN AGUS CIAPADH, 2019 (UIMH. 190) A DHAINGNIÚ

Ba mhaith leis an Ungáir, agus an chomhairle ó Sheirbhís Dlí na Comhairle a cuireadh ar fáil le linn na caibidlíochta á cur san áireamh aici, a tuairim dhlíthiúil a athdhearbhú nach bhfuil aon riachtanas dlíthiúil ann cinneadh ón gComhairle a ghlacadh chun a cheadú do na Ballstáit Coinbhinsiún na hEagraíochta Idirnáisiúnta Saothair maidir le Foréigean agus Ciapadh, 2019 (Uimh. 190) a dhaingniú (dá ngairtear: Coinbhinsiún EIS 190 anseo feasta), toisc nach bhfuil aon inniúlacht eisiach de chuid an Aontais i gceist leis an gCoinbhinsiún. Tugaimid dár n-aire go ndeimhnítear an chonclúid sin freisin le gníomhartha a rinne seacht mBallstát a bhfuil an Coinbhinsiún daingnithe *de facto* acu cheana.

Gan dochar don mhéid thuas, tugann an Ungáir dá haire freisin na ráitis ó bhéal a thug an Coimisiún níos mó ná uair amháin nach ndéanfaidh sí bearta chun brú ar na Ballstáit an Coinbhinsiún a dhaingniú fiú má ghlacfar cinneadh ón gComhairle ina leith sin.

Ar deireadh, tugann an Ungáir dá haire agus is oth léi an nós imeachta as ar tháinig glacadh an chinnidh ón gComhairle i dtrácht. I ndáil leis an méid sin, meabhraímid gur chinn Coreper, ag an gcruinniú a bhí aige an 31 Bealtaine 2023, a mholadh don Chomhairle ráiteas a fhorpheas a bhí le cur ina miontuairiscí, ar ráiteas é ina dtugann an Chomhairle dá haire nach féidir teacht ar an tromlach cáilithe is gá chun an cinneadh ón gComhairle atá beartaithe a ghlacadh. Is trua nach ndearnadh obair leantach ar an méid ar cinneadh air ag an gcruinniú sin de chuid Coreper.